



Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofurti ad Moenvm, 1665

Cap. II. Partitio doctrinæ de negotiis, in doctrinam de occasionibus sparsis,
& doctrinam de ambitu vitæ. Exemplum doctrinæ de occasionibus sparsis,
ex parabolis aliquibus Salomonis. Præcepta de ...

urn:nbn:de:bvb:12-bsb10497643-5

enim pondus habet *vultus ipse*, ejusq; composi-
tio: *Recte Poëta;*

— *Nec vultu destrue verba tuo.*

Poterit enim quis *vim orationis*, *vultu labefactare*,
& plane prodere. Quin & *falsa*, non minus quam
verba, *vultu* pariter destrui possint, si Ciceroni
credamus. Qui, cum fratri affabilitatem commi-
daret erga Provinciales, non in hoc eam potissi-
mum sitam dixit, ut aditus præberet ad se faciles,
nisi etiam *vultu* ipso comiter accedentes exciper-
ret. *Nil interest habere ostium apertum, vultum clau-
sum.* Videmus quoque, Atticum, sub primum
Ciceronis cum Cæsare congressum, bello adhuc
fervente, diligente & serio Ciceronem per Epis-
tolam monuisse, de *vultu* & *gestu* ad dignitatem
& gravitatem componendis. Quod sit tantum pos-
sitoris & *vultus* solius moderatio, quanto magis
sermo familiaris, & alia, quæ ad *conversationem* per-
tinem? Atque sane summa & compendium decori
& elegantie morum in hoc fere sita sunt, ut quasi
æquale lance & propriam Dignitatem & aliorum
metiamur & tueamur: Quod etiam non male ex-
pressit T. Livius, licet alii rei intentus) eo perlonge
charaktere, *Ne (inquit) aut arrogans videar, aut ob-
noxius: quorum alterum est aliena libertatis oblitus,
alterum sua.* Ex contraria vero parte, si *urbanitas*,
& elegantie morum externa impensis studea-
mus, transiunt illæ in affectionem quandam De-
formem, & Adulterinam. *Quid enim deformius,*
quam *Scenam in Vitam transferre*? Quinetiam,
licet in excessum illum vitiosum minime prola-
bantur; temporis tamen nimium in hujusmodi
leviculis absuntur, animusq; ad curam ipsarum,
magis quam oportet, deprimitur. Ideoq; sicut in
Academis, adolescentes literarum studiosi, at so-
daliū congressibus plus satis indulget, mox ve-
solent à præceptoribus, *Amicos esse fures temporis:*
sic certe assidua ista, in *conversatione* decorum ani-
mi intentio, magnum gravioribus meditationib;
futurum facit. Deinde, qui primas adeo in *urba-
nitate* obtinent, & ad hanc rem unam quasi nati vi-
dentur, hoc fere habent, ut sibi ipsi in illa sola
complacent, & virtutes solidiores, & celiiores,
vix unquam aspirent: Quando è contra, qui sibi in
hac parte defectus sunt consilii, decus ex bona exi-
stimatione querunt: Ubi enim adest bona exi-
statio, omnia fere decent, ubi vero illa deficit, tum
demum à commoditate morum, atq; *urbanitate*,
subsidium petendum est. Potro, ad res gerendas,
vix gravius aut frequentius repertas impedimen-
tum, quam hujuscè decori externi curiosam nimis
observationem; atque illud alterum, quod huic
ipsi inservit, nimirus, anxiam temporis atque
opportunitatum electionem. Egregie enim Salo-
mon: *Qui respicit ad ventos, non eminat; qui respicit
ad nubes, non metit.* Creanda siquidem nobis est
opportunitas sèpius quam opperienda. Ut verbo
dicamus, *urbana ista morum compositione*, veluti ve-
ritis animi est, & proinde vestis commoditates re-
ferre debet. Primum enim talis esse debet, ut sit in
usu communis: Rursus, ut non sit nimis delicata au-
sumptuosa: Deinde, ita conficienda, ut si qua sit in
animo virtus, eam exhibeat maxime conspicuam;
si qua deformitas, eandem suppleat, & occultet:
Postremo; & super omnia, ne sit nimis arcta, atque
ita animum angustet, ut ejusdem motus in rebus
gerendis cohibeat & impedit. Verum hæc pars

scientia civilis de conversatione eleganter profecto
à nonnullis tractata est, neq; ullo modo tanquam
desiderata reponi debet.

C A P. II.

*Partitio Doctrinæ de Negotiis; in Doctrinam de Occasio-
nibus Sparsis; & Doctrinam de Ambitu Vita. Exemplum
Doctrinæ de Occasionibus Sparsis, ex Parabolis aliqui-
bus Salomonis. Praecepta de Ambitu Vita.*

*D*octrinam de negotiis partiem in doctrinam de
occasionibus sparsis, & doctrinam de ambitu
vita: Quarum altera universa negotiorum varia-
tatem complectitur, & vita communis tanquam
Amanensis est; Altera, ea tantum, quæ ad propriæ
cujusq; fortunam amplificandam spectant, excerpt-
pit, & lugget, quæ singulis, pro intimis quibus-
dam terū suarum tabellis aut codiciliis esse possint.
Verum antequam ad species descēdamus, aliiquid
circa doctrinam de negotiis in genere p̄fābimur.
Doctrinam de negotiis, pro rei momento, tractavit
adhuc nemo, cum magna tam literarum, quam
literatorum, existimationis jactura. Ab hac enim
radice pullula illud malum, quod notam eruditis
iussit, nimirum eruditionem & prudentiam civile
raro admodum conjungi. Et enim si quis recte ad-
vertat, ex prudentiis illis tribus, quas modo dixi-
mus ad vitam civilem spectare, illa conversationis
ab eruditis fere contemnitur, tanquam servile
quiddam, atque insuper meditationibus inimici-
cum. Quod vero ad illam de Repub. administra-
nda, sane, si quando rerum gubernaculis admove-
antur, erudit, munus suum incommode sustinent;
Verum ea promotio contingit paucis. De pruden-
tia autem negotiandi, (qua de nunc loquimur) in
qua vita humana plurimum versatur, nulli omnino
libri conscripti habentur: præter pauca quæ-
dam monita civilia in fasciculum unum aut alterum
collecta, quæ amplitudini hujus subiecti nul-
lo modo respondent. Et enim si libri aliqui extarēt
de hoc argomento, sicut de ceteris, minimè dubi-
taverim, quin viri erudit, aliquo experientia ma-
nipulo instructi, ineruditos, licet diuina experi-
entia edoctos, longe superarent, & proprio illorum
(quod dicitur) *arcuus*, magis è longinquō ferīt.

Neque vero est cur vereamur, ne scientia hujus
tam varia sit materia, ut sub præceptionibus non
cadat: Multo siquidem angustior est, quam illa
Rep. administranda scientia, quam tamè apprime
videmus excultam. Hujus generis *prudentia*, apud
Romanos, optimis temporibus, extitisse videntur
nonnulli professores. Testatur enim Cicero, mor-
ris suis, paulo ante sua secula, ut Senatores, pru-
dentia, & rerum usu maxime celebres, (*Corunca-
ni, Curi, Laly, & alii*), statim horis in foro deambu-
larent, ubi civibus copiam sui facerent, & consul-
rentur, non de jure, sed de negotiis omnigenis:
Veluti de filia elocanda, sive de filio educando, sive de
predio coemendo, de contractu, accusatione, defen-
sione, aut aliqua quacunq; re, quæ in vita communis
interveniat. Ex quo liquet, prudentiam quandam
esse *consilium dandi*, etiam in negotiis privatis, ex
universalis rerum civilium cognitione & experien-
tia promanantem, quæ exerceatur quidem in casis
bus particularibus, extrahatur autem ex generali
casuum consilium observatione. Sic enim vide-
mus, in eo libro, quem ad fratrem conscripsit Q.
Cicero, de petitione consulari, (quem unicum à
veterbis habemus, quantum memini, tractatum,
de nego-

de negotio aliquo particulari) quanquam ad consilium dandum, de re tum præsenti, potissimum spe-
ctaret, plurimam tamen contineri axiomata politica, quæ non usum solum temporarium, sed notam quandam perpetuam, circa electiones popu-
lares præscribant. In hoc genere autem nihil invenitur, quod ulli modo comparandum sit cum aphorismis illis, quos edidit Rex Salomon: De quo testatur Scriptura, Cor illi fuisse in star arena mari: Sicut enim arena maris universas orbis oras cir-
cundant, ita & Sapientia ejus omnia humana, non minus quam divina, cōplexa est. In aphorismis ve-
ro illis, præter alia magis Theologica, reperies li-
quido haud pauca precepta & monita civilia præ-
stantissima, ex profundis quidem sapientiae penetralibus scaturientia, atq; in amplissimum varietatis campum excurrentia. Quoniam vero doctrina de occasionibus sparsis (qua doctrina de negotio por-
tio est prior) inter desiderata reponimus, ex more nostro paulisper in illa immorabitur. Atq; exem-
plum ejusdem, ex aphorismis sive parabolis illis Salomonis desumptū, proponemus. Neq; vero quis, ut arbitramur, nos merito fugillare possit, quod ex Scriptoribus Sacrae Scripturæ aliquem, ad sensum politicum trahamus? Evidem exstimo, si extarēt commentarii illi Salomonis ejusdem, de natura rerum (in quibus de omni vegetabilis, à musco saper-
murmurum adcedrum libani, itemque de animalibus, conscripsit) non illicitum esse, eos secundum sensum naturalem interpretati: Quod idem nobis liceat in Politicis.

EXEMPLUM PORTIONIS.

*Doctrina de occasionibus sparsis, ex parabola
aliquibus Salomonis.*

Parabola.

3. *Mollis Responsio frangit iram.*

Explicatio.

Si incendatur ira Principis vel Superioris adver-
sus te, & tu jam sint loquendi partes, duo præcipit Salomon: Alterum, ut fiat responsio; Alterum, ut eadem sit mollis. Prius continentia præcepta. Primo, ut caveas à silentio tristi & contumaci: Illud enim, aut culpam totam in te recipit, ac si nihil habeas, quod respondere possis; aut Dominum occulte iniquitatis insimular, ac si aures ejus, defensioni, licet justæ, non paterent. Secundo, ut caveas à re compendinanda, neq; tempus aliud ad defensio-
nen postules: Hoc enim, aut eandem notam ini-
rit, quam prius, nimis Dominum tuum nimia-
mentis perturbatione effret; aut plane significat, te artificioam quandam defensionem meditari, cum in promptu nihil habeas: Adeo ut optimum semper fuerit, aliquid in præsentia, & è re nata, in excusationem tui adducere. Tertio, ut fiat prorsus responso: Responso, inquam, non mera confessio, aut meta submissio, sed aliquid apologie & excusatio-
nis inspurgatur: Neq; enim aliter tutum est facere, nisi apud ingenia valde generosa & magnanima; quæ rara admodum sunt. Sequitur posteriore loco, ut *Responsio mollis*, minime perfacta, aut alptra.

Parabola.

2. *Servus prudens dominabitur in filium stultum;*
Et partuerit hereditatem inter fratres.

Explicatio.

In omni familia, turbata & discordi, semper ex-
urgit aliquis servus, aut humilis amicus, præpos-
tus, qui pro arbitrio se gerat, ad lites familie com-

ponendas, tñique, eo nomine, & familia tota, & dominus ipse, sunt obnoxii. Ille, si suam rem agat, familiæ mala fovet, & aggravat: si fidelis revera fuerit & integer, plurimum certe meretur: Adeo ut etiam tanquam inter fratres haberi debeat, aut saltem *procurationem hereditatis accipere fiduciariam*.

Parabola.

3. *Vir Sapiens, si cum stulto contenderit, sive ira scaturit, sive rideat, non inveniet quietem.*

Explicatio.

Monemur s̄p̄ius, ut congressum imparem fu-
giamus, eo sensu, *Nec cum potioribus deceremus*. At haud minus utile est monitum, quod hic exhibet Salomon, *Ne cū indigno contendamus*. Iniqua enim proslus sorte hæc res transigitur. Si quidem, si superiores simus, nulla sequitur victoria: si superemur, magna indignitas. Neq; juvat etiam in hujusmodi contentione exercenda, si interdum veluti per jo-
cum agamus, interdum cum *fastu & contemptu*. Nam quo cunq; nos vertam⁹, leviores inde efficie-
mus, neque comode nos explicabimus. Pessime autem fit, si hujusmodi persona, qui cum contēdi-
mus, (ut Salomon loquitur,) aliquid affine habeat cum stulto, hoc est, si sit audaculus, & temerarius.

Parabola.

4. *Sed & curiositas sermonibus, qui dicuntur, ne ad-
commodes aurem tuam; ne forte audiā servum tuum
maledicentem tibi.*

Explicatio.

Vix credi possit, vitam quantum perturbet *inu-
tilis curiositas*, circa illa res, quæ nostra interfunt: Nimis, quando secreta illa rimari fatigimus, quæ detecta & inventa, & grititudinem quidem ani-
mo inferant, ad consilia autem expediēda nihil ju-
vēt. Primo enim sequitur animi vexatio & inquietudo, cū humana omnia perfidae & ingratitudinis plena sint. Adeo ut, si comparati posset speculum aliquod magicum, in quo odia, & quæcunq; cōtra nos ulli commoventur, intueri possemus, meli-
nobis fore, si protinus proiceretur & collidetur. Hujusmodi enim res, veluti foliorum murmu-
ra sunt, & brevi evanescent. Secundo *curiositas illa
animum suspicitionibus nimis onerat*, quod consilia inimicissimum est, eaque reddit inconstantia, & complicata. Tertio eadē, *mala ipsa sapissime figit,* alias præter volatura: Grave enim est conscientias hominum irritare; qui, si latenter putent, facile mutantur in melius, sin deprehensos se sentiant, malum malo pellunt. Merito igitur summae pru-
dentie tribuebatur Pompejo Magno, quod Seto-
rii chartas universas, nec à se perlectas, nec aliis permittas, igni protinus dedisset.

Parabola.

5. *Advenit veluti viator pauperies, & egestas qua-
si vir armatus.*

Explicatio.

Eleganter describitur in parabola, quomodo prodigi, & circa rem familiarē incuriosis, supervenient naufragia fortunarum. A principio enim pe-
detentim, & passibus lentis, in star viatori⁹, advenit obaratio, & fortis diminutio, neque fere sentitur: At nō multo post invadit egestas tanquā vir armatus, manu scilicet tam forti, & potente, ut ei amplius resi-
sti non possit: cum apud Antiquos rēcte diqū sit, necessitatē ex omnibus rebus esse fortissimam. Itaq;
viatori occurrentū contra armatum munendum.

K 2 Parabola

Parabola.

6. Qui erudit derisorēm, ipse sibi injuriam facit:
& qui arguit impium, sibi maculam generat.

Explicatio.

Congruit cum p̄cepto Salvatoris. Ut non mittamur margaritas nostras ante porcos. Distinguuntur autem in hac parabola actiones p̄ceptionis, & reprobationis. Distinguuntur itidem personae derisoris, & impiorum. Distinguuntur postremo id quod repeditur. In priore enim rependitur opera lusa; in posteriore, etiam & macula. Cum enim quis erudit & instituit derisorēm, jaēlura primum sit temporis. Deinde & alii conatum irrident, tanquam rem vanam, & operam male collocatā. Postremo derisor ipse sc̄riam, quam didicis, fastidio habet. At maiore cum periculo transfigitur res in reprobatione impiorum, qui non solum impius non aufultat; sed & cornua obvertit, & reprehensionem, odiosum sibi jam factum aut conselsum convitum proscindit, aut saltem postea apud alios criminarit.

Parabola.

7. Filius sapiens letificat partem: Filius vero stultus mæstia est matris sua.

Explicatio.

Distinguuntur solatia atq; ægritudines economicæ, patris videlicet & matris, circa liberos suos. Etenim filius prudens & frugis, p̄cipuo solatio est patri, qui virtutis premium melius novit, quam mater, ac propter ea filii sui indoli, ad virtutē prop̄p̄se, magis gratulatur: Quin etiā gaudium illi fortasse affer in institutum suum, quod filium tā probe educari; illiq; honestatem morum, p̄ceptis & exēplo, impresserit: E contra mater calamitati filii plus compatitur & indolet, tum ob affectionem maternum magis mollē, & tenerum; tum fortasse indulgete sūt conficia, qua eum corrupserit, & depravaverit.

Parabola.

8. Memoria justi cum laudibus; at nomen impiorum putrescit.

Explicatio.

Distinguitur inret famam virorum bonorum & malorum, qualis esse soleat post obitum. Viri enim bonis, extincta invidia, (que famam eorum, dum vixerant, carpebat) nomen continuo efflorescit, & laudes magis indies invalescunt: At viri malis (licet fama eorum, per gratiam amicorum & factionis sūt hominum, ad breve tempus manserit) paulo post fastidium nominis obortitur, & postremo laudes illarū evanide in infamiam, & veluti in odorem gravem & tetrum, delinunt.

Parabola.

9. Qui conturbat domum suam, possidebit ventos.

Explicatio.

Utile admodum monitum, de discordiis & turbis domesticis. Plurimi enim, ex dissidio uxorum, aut ex hæreditationibus filiorum, aut mutationibus frequentibus familia, magna sibi spondent; ac si inde, vel animi tranquillitas, vel rerum suarum administratio felicior, sibi obventura foret. Sed plerumq; abeunt spes sua in vento. Etenim, tum mutationes illæ, ut plurimum; non cedunt in melius; tum etiam, perturbatores isti familie sūt molestias varias, & ingratitudinem eorum, quos, alii præteritis, adoptant, & deligunt, siue numero experuntur. Quin & hoc pacto rumores sibi progignunt non optimos, & famas ambiguas: Neq; enim male Cicerone notatum est, Omnes famam à domestico.

cū manare. Utrumq; autem malum per ventorum possessionem eleganter à Salomōne exprimitur: Nam & expellitionis frustratio, & rumorū suscitatio, ventis recte comparantur.

Parabola.

10. Melior est finis orationis, quam principium.

Explicatio.

Corrigit parabola errorem frequentissimum, non solum apud eos, qui verbis p̄cipue student, verum etiam apud prudētores. Is est, quod homines de sermonum suorum adiutu atq; ingressu magis sunt solliciti, quam de exitu, & accuratius exordia & p̄fatiunculas meditentur, quam extrema orationum. Debuerant autem nec illa negligere, & ista, ut longe potiora, p̄parata & digesta apud se habere; revolentes secum, &, quantum fieri potest, animo prospicentes, quis tandem exitus sermonis sit futu⁹, & quomodo negotia inde promoveri & maturari possint. Neq; hic finis. Quinimo non epilogos tātum & sermonum, qui ad ipsa negotia spectant egressus, meditari oportet; verum sicut etiam & illorum sermonum cura suscipienda, quos sub ipsum discessum commode & urbane injicere possint, licet à negotio prorsus alienos. Evidem novi Consiliarios duos, viros certe magnos, & prudentes, & quibus onus rerum tunc p̄cipue incumbebat; quibus illud fuit perpetuum, & proprium, ut quoties cum Principibus suis de negotiis ipsorum communicarent, colloquia, in rebus ad ipsa negotia spectantibus, nunquam terminarent; verum semper, aut ad jocum, aut aliud aliquid, quod audire erat volupe, diverticula quererent; atq; ut adagio dicitur, sermones marinos aqua fluvialis sub extremum abluerent. Neq; hoc illis inter artes postremum erat.

Parabola.

11. Sicut misera mortua farere faciunt unguentum optimum; sic hominem pretiosum sapientia & gloria, parva stultitia.

Explicatio.

Iniqua admodum & misera est conditio hominum virtute præcellentium, (ut optime notat parabola) quia erroribus eorum quantumvis levissimis, nullo modo ignoscitur. Verum quemadmodum in gemma, valēnitā minimum quodq; granulum, aut nubecula, oculos ferit & molestia quadam afficit; quod tamen si in gemma vitiosiore repertum foret, vix notam subiret: Similiter in viris singulari virtute præditis, minima quæq; vitia statim in oculos & sermones hominum incurront, & censura perstringunt graviore: quæ in hominibus mediocribus aut omnino laterent, aut veniam facile repertirent. Itaque viro valde prudenti, parva stultitia; valde probo, parvum peccatum; urbano & moribus eleganti paululum indecori, de fama & existimatione multum detrahit. Adeo ut non pessimum foret viri egregii, si nonnulla absurdā (quod circa vitium fieri possit) actionibus suis immiserent; ut libertatem quandam sibi retineant, & parvorum defectuum notas confundant.

Parabola.

12. Homines derisores civitatem perdunt, sapientes vero avertunt calamitatem.

Explicatio.

Mirum videri possit, quod in descriptione hominum, qui ad Republ. labefactandas & perdenadas veluti natura comparati & facti sunt, delegerit Salomon characterem; Non hominis superbii & insolenti-

insolentis; Non tyrannici & crudelis; Non temerarii & violenti; Non impii & scelerati; Non injusti & oppressorii; Non seditiosi & turbulenti; Non libidinosi & voluptuarii; Non deniq; insipientis & inhabilis; Sed derisoris. Verum hoc sapientia ejus Regis, qui Rerum publicarum conservations & eversiones optime norat, dignissimum est. Neq; enim similis fere est pestis Regis & Rebus publicis, quam si Consiliarii Regis, aut Senatores, quicq; gubernaculis rerum admoventur, sint ingenio derisores. Hujusmodi enim homines periculorum magistrinam, ut fortis videantur Senatores, semper extenuant; iisque, qui pericula, prout par est, ponderant, veluti timidis insultant: Confutandi & deliberandi maturas moras, & meditatas disceptationes, veluti rem oratoriā, & ceterā plenā, & ad summas rerum nihil facientē, sublauant. Famam ad quam Principum Consilia praecepue sunt componenda, ut salivam vulgi, & rem cito prætervolatam, contemnunt: Legum vim & auctoritatem, ut reticula quædam quibus res majores minime cohibeantur, nil morantur: Consilia & præcautiones, in longum prospicientes, ut somnia quædā, & apprehensiones melancholicas, rejiciunt: Viris revera prudentibus, & ceterum peritis, atq; magni animi, & consiliis, dicterioris & facetius illudunt: Deniq; fundamenta omnia regimini politici simul labefactant. Quod magis attendendum est, quia cuniculus, & non impetu aperto, hęc res agitur: Neq; ccepit esse inter homines (prout meretur) suspecta.

Parabola.

13. Princeps, qui libenter praebet aures verbis mendacis, omnes servos habet improbos.

Explicatio.

Cum Princeps talis fuerit, ut susurribus, & cophantis, absq; iudicio faciles & credulas aures praebat; spirat omnino, tanquam à parte Regis, aura pestilens, quæ omnes servos ejus corruptit, & inficit. Alii metus Princeps rimantur, eosq; narrationibus fictitiis exaggerant: Alii invidiæ furias concitant, praesertim in optimos quosq; Alii criminationibus aliorum, proprias fordes, & conscientias malas eluunt: Alii amicorū suorum honoribus & desideriis velificant, competitores eorum calumniando, & mordendo: Alii fabularum argumenta, contra inimicos suos, tanquam in scena, componunt: & innumera hujusmodi. Atq; hac illi, qui ex servis Princeps ingenio sunt magis improbo. At illi etiam, qui Natura probiores sunt, & melius morati, postquam in innocentia sua parum præsidii esse senserint, (quoniam Princeps vera à falsis distinguere non novit) morum suorum probitatem exuunt, & ventos aulicos captant, siisque servilem in modum circumferuntur. *Nihil enim* (ut ait Tacitus de Claudio) *tutum est apud Principem, cuius animo omnia sunt tanquam indita & iusta.* Atq; bene Cominæus; *Praestat, servum esse Principis, cuius suspicionum non est finis, quam ejus, cuius credulitatis non est modus.*

Parabola.

14. Iustus miseretur anima iumenti sui; sed misericordia impiorum crudeles.

Explicatio.

Inditus est, ab ipsa Natura, homini, misericordia affectus nobilis, & excellens; qui etiā ad animalia bruta extenditur; quæ, ex ordinatione divina, ejus imperio subjiciuntur. Itaq; habet ista misericordia

analogiam quandam, cum illa Principis erga subditos. Quinetiam illud certissimum est, quod quo dignior est anima, eo pluribus compatiatur. Etenim animæ angustæ, & degeneres, hujusmodi res ad se nihil pertinere putant: At illa, quæ nobilior est portio universi, ex communione afficitur. Quare videmus, sub veteri lege haud paucæ fuisse præcepta, non tam mere ceremonialia, quam misericordia institutiva: Quale fuit illud, de non comedendo carnem cum sanguine ejus; & similia. Etiam in seculis Eboracorum, & Pythagoræorum, ab eis animalium omnino abstinebant. Quod etiā hodie obtinet (superstitione inviolata) apud incolas nonnullos Imperii Mogollenis. Quin & Turcae (Gens licet, & stirpe & disciplina, crudelis, & sanguinaria) Brutis tamen eleemosynas largiri solent; neq; animalium vexationes & torturas fieri sustinent. Verum, ne forte hęc, quædiximus, omnis generis misericordia patrocinati videantur, salubriter subjungit Salomon, *impiorum misericordias esse crudeles.* Ex sunt quando hominibus sceleratis & facinoris parsit, justitiae gladio feriendis: Crudelior enim hujusmodi misericordias, quam crudelitas ipsa. Nā crudelitas exercetur insingulos; at misericordia illa universum facinoris oros exercitū, concecta impunitate, in homines innocentes armat & immittit.

Parabola.

15. Totum spiritum suum profert stultus; at sapiens reservat aliquid in posterum.

Explicatio.

Corrigit parabola præcipue (ut videtur) non hominum vanorum futilitate, qui dicenda, tacenda, facile proferunt: non Parthesiam illam, qua absq; discrimine & iudicio in omnes & omnia involant: nō garrulitatem; qua ad nauseam usq; alii obstreput: sed vitium aliud magis occultum; nempe sermonis regimen minime omnium prudens & politicum; hoc est, cum quis ita sermonē (in colloquiis privatis) instituit, ut, quæcumque in animo habet, qua ad rem pertinere putet, simul, & tanquam uno spiritu, & oratione continua proferat. Hoc enim plurimum negotii officit. Siquidem primo, oratio intercisa, & per partes infusa, longe magis penetrat quam continuata; quoniam in continuata pondus rerum non distincte & sigillatim excipitur, nec per moram nonnullam infidet, sed ratio rationem, antequam penitus insederit, expellit. Secundo, nemo tam potenti & felici eloquentia valet, ut primo sermonis impetu eum, quem alloquitur, mutum & elinguem plane reddat: quin & alter aliquid viceps respondebit, & fortasse objiciet. Tū yero accidit, ut que in refutationem aut replicationem reservanda fuissent, præmissa jam, & antea delibata, vires suas & gratiam amiserint. Tertio si quis ea, quæ dicenda sunt, non simul effundat, sed per partes eloquatur, aliud primo, aliud subinde injiciens; sentiet ex ejus, quem alloquitur, vultu, & responso, quomodo singula illum affectent, quam in partem accepta fuerint; ut, quæ adhuc restant dicenda, cautius aut supprimat, aut excerptat.

Parabola.

16. Si Spiritus potestatem habentis ad cenderit super te, locum tuum ne dimiseris, quia curatio facies cessare magna peccata.

Explicatio.

Præcipit parabola, quomodo se quis gerere debeat, cum itam atque indignationem principis incurrit.

incurrit. Præceptum duplex: Primo, ut nondimittat locum suum: Secundo, ut curationi, tanquam in morbo aliquo gravi, diligenter & caute attendat. Consueverunt enim homines, postquam commotis contra se Principes suos sentent, partim ex dedecortis impatientia, partim ne vulnus obseruando refricent, partim ut tristitiam & humilitatem eorum Principes sui perspiciant, se a muneribus & functionibus suis subducere, quinetiam interdum ipsos Magistratus, & Dignitates quas gerunt, in Principum manus restituere. At Salomon, hanc medendi viam, veluti noxiā, improbat: idq; summa profecto ratione. Primo enim, *dederunt ipsi summis illis publicat;* unde tum iniiciatq; invidi, audacieores fiunt ad lædendum; tum amici timidiiores ad subveniendū. Secundo, hoc pacto fit, ut Principis ira, quā fortale, si non evulgaretur, sponte concideret, *magis figuratur,* & veluti principio jam factohominis deturbandi, in præcipitum illius fetatur. Postremò, *Secessus iste, aliquid sapit ex malevolo, & temporibus infenso:* Id quod malum indignationis, malo suspicionis cumulat. Ad curationē autem pertinent ista. Primo, *caveat ante omnia, ne stupratur quādam, aut etiam animi elatione, indignationē Principis minime sentire,* aut inde, prout debeat, astifici, videatur: Hoc est, ut & vultum, non ad tristitiam contumacem, sed ad mortitiam gravem atq; modestā componat: & in rebus quibus cunq; agendis se minus solito hilarem & luctum ostendat: Quin & in rem suam erit, amici alicujus opera, & sermone, apud Principem uti, qui, quanto doloris sensu in intimis extremitatibus, tempeltive insinuet. Secundo, *occasionses omnes, vel minimas, sedulo evitetur,* per quas aut res ipsa, quā indignationi causam præbuit, refricetur, aut Princeps denuo excandescēdi, & ipsum, quacunq; de causa, coram aliis objurgandi, ansam artipiat. Tertio, perquirat etiam diligenter occasiones omnes, in quibus opera ejus Principi grata esse possit: ut & voluntatem promptam redimendi culpam præteritam ostendat: & Princeps suus sentiat, qualitatem servo, si eum dimittat, privati se contigerit. Quarto, *Culpam ipsam, aut sagaciter in alios transferat, aut animo illam non malo commissam esse insinuerit:* aut etiam militiam illorum, qui ipsam Regi detulerunt, vel rem supra modum aggravarunt, indicet. Deniq; in omnibus evigile, & curationi sic intentus.

Parabola.

17. *Primus in causa sua justus: tum venit altera pars, & inquirit in eum.*

Explicatio.

Prima in unaquaq; causa informatio, si paulisper animo judicis infederit, altas radices agit, eumq; iobuit, & occupareuo ut ægre elui possit, nisi aut manifesta aliqua falsitas in materia informationis, aut artificium aliquid in eadē exhibenda deprehendatur. Etenim nuda & simplex defensio, licet justa sit & preponderans, vix præjudicium informationis primæ cōpensare, aut libram iustitiae semel propendente ad æquilibrium reducere, per se valet. Itaq; & judici tuissimum, ut nihil, quod ad merita cause spectat, prælibetur, prius quam utraq; pars simul audiatur: & defensori optimum, si judicem lenserit præoccupatum, in hoc potissimum (quantum dat causa) incumbere, ut veritatem aliquam, & dolum malum, ab adversa parte, in judicis abusum adhibitum, detegat.

Parabola.

18. *Qui delicate à pueritia nutrit servum, postea sentiet eum contumacem.*

Explicatio.

Servandus est, *Principibus & Dominis, ex consilio Salomonis, in gratia & favore suo erga servos modus.* Is triplex est. Primo, ut promoveantur per gradus, non per saltus: Secundo, ut interdum assuefiant repulsa: Tertio, (quod bene præcipit Maccavellus) ut habeant pra oculis suis semper aliquid, quo ultius aspirare possint. Nisi enim haec hant, reportabunt proculdubio Principis in fine a servis suis, loco animi grati, & officiosi, fastidium & contumaciam. Etenim, ex promotione subita, oritur insolentia: ex perpetua desideratorum adēptione, impatientia repulsa: Denique si vota desint, deerit item alacritas & industria.

Parabola.

19. *Videt virum velocem in opere suo: coram Regibus stabit, nec erit inter ignobiles.*

Explicatio.

Inter virtutes, quas Reges, in delectu servorum, potissimum spectant & requirunt, gratissima est præ cunctis celeritas, & in negotiis expedientis strenuitas. Vtī profunda prudentia Regibus suspecti, utpote qui nimis sint inspectores, & dominos suos, inscos & invitatos, ingeniosi viribus (tanquam machina) circumagere possint. Populares, invisi: utpote qui Regum Luminibus officiunt, & oculos populi in se convertunt. Animosi, pro turbulenta laxe habentur, & ultra, quam par est, ausi. Probi, & vitæ integra, tanquam difficiles existimantur, nec ad omnes nutus heriles apti. Deniq; non est virtus alia, qua non habeat aliquam quasi umbram, qua Regum animi offendantur: Sola velocitas ad mandata, nihil habet, quod non placeat. Insuper, motus animalium regiorum celeres sunt, & moris minus patientes. Putant enim, se quidvis efficere posse: Illud tantum deesse, ut cito fiat. Itaque antea omnia iis grata est celeritas.

Parabola.

20. *Vidi cunctos viventes, qui ambulant sub sole, cum adolescenti secundo, qui consurgit pro eo.*

Explicatio.

Notat par abola vanitatem hominum, qui se agglomerae solent ad successores designatos principes. Radix autem hujus rei est insanis illa, hominum animis penitus à natura insita: nimis ut spes suas nimium adament. Vix enim reperiatur, qui non delectetur magis iis, quæ sperat, quam iis, quæ fruuntur. Quinetiam novitas humanae naturæ grata est, & avide expetitur. In successore autem Principis ista duo concurrunt: Spes & Novitas. Innuit autem parabola idem, quod olim dictum erat, primo d' Pompejo ad Syllam; postea a Tiberio de Macrone: Plures adorares solem orientem, quam occidentem. Neq; tamē imperantes multum hac re conmoventur, aut eam magnifici, sicut nec Sylla, nec Tiberius fecit, sed rident potius hominum levitatem, nec pugnant cum somniis: Est autem (ut ajebat ille) spes vigilantis in somnum. Parabola.

21. *Erat Civitas parva, & pauci in ea viri: Venit contra eam Rex magnus, & vadavit eam instruxit, munitiones per gyrum, & perfecta est obſidio: inventusq; est in ea vir pauper & sapiens, & liberavit eam per sapientiam suam: & nullus deinceps recordatus est hominis illius pauperis.*

Explicatio.

Explicatio.

Describit parabola ingenuum hominum pravum & malevolum. It is in rebus duris, & angustis, confundit fere ad vitos prudentes, & strenuos, licet ante contemptui habitos. Quamprimum autem tempes tis transierit, ingrati demum erga conservatores suos reperiuntur. Macciavellus vero, non sine causa, instituit questionem, *Vter ingratis effe erga benemeritos, Princeps, aut populus?* Sed interim utrumq; ingratitudinis arguit. Attamen hoc non solum ex gratitudine Principis aut populi oritur, sed accedit plerumque his invidia procerum, qui secreto indolent eventui, licet felici & prospero, quia ab ipsis profectus non sit: Itaque & meritum hominis extenuant, & ipsum deprimunt.

Parabola.

22. Iter pigrorum, quasi sepes spinarum.

Explicatio.

Elegantissime ostendit parabola, pigritiam in fine laboriosam esse. Diligentia enim, & sedula preparatio, id praestant, ut pes in aliquid offendiculum non impingat: sed ut complanetur via, antequam ineatur. At qui piger est, & omnia in extremum momentum executionis differt, necesse est, ut perpetuo, & singulis passibus, quasi per rubos & lentes incedat, qui eum subinde detineant, & impedian. Idem observati possent etiam in familia regenda: in qua, si adhibeat cura & providentia, omnia placide & veluti sponte procedunt, absque strepitu, & tumultu: Sin hac defint, ubi major aliquis motus intervenerit, omnia simul agenda tumultum occuruntur: tumultuantur servi, & des personant.

Parabola.

23. Qui cognoscit in iudicio faciem, non bene facit: Iste & probuccella panis deferet veritatem.

Explicatio.

Prudentissime notat Parabola, in iudice magis perniciosa esse facilitatem morum, quam corrupcionem munierum. Munera enim haudquam ab omnibus deferuntur: at vix ulla est causa, in qua non inveniatur aliquid, quod fleat judicis animus, si personas resficiat. Alius enim respicietur, ut popularis; Alius, ut maledictus; Alius, ut dives; Alius, ut gratus: Alius, ut ab amico commendatus. Denique, omnia plena sunt iniquitatis, ubi dominatur respectus personarum: & levius omnino de causa, veluti pro buccella panis, iudicium pervertetur.

Parabola.

24. Vir pauper calumnians pauperes, similius est imbre vehementi, in quo paratur fames.

Explicatio.

Parabola ista antiquitus expressa & depicta fuit, sub fabula Hirudinis, utriusq; nimirum, plenæ, & vacuae. Pauperis enim & famelici oppressio longe gravior est, quam oppressio per divitiae & repletam: quippe que omnes exactionum technas, & omnes nummorum angulos, perquirit. Solebat hoc ipsum etiam spongiis assimilari, que aridae fortiter fugunt: madidæ, non item. Monium autem utile continet: tum erga Principes, ne prefectorias provinciarum, aut Magistratus, vijis indigenibus, & oberratis, committant: tum erga populos, ne Reges suos cum nimia egestate conflitati permittant.

Parabola.

25. Fons turbatus pede, & vena corrupta, est iusta cadens coram impio.

Explicatio.

Præcipit parabola, rebus publicis ante omnia cavendum esse de iniquo & infami iudicio, in causa aliqua celebre & gravi: præterum ubi non absolvitur innoxius, sed condemnatur insons. Etenim injuria inter privatos gravantes, turbant quidem & polluent latices justitia, sed tanquam in rurulis. Verum iudicia iniqua, qualia diximus, à quibus exempla pertuntur, fontes ipsos iustitia inficiunt, & inquinant. Postquam enim tribunal cesserit in partes injustitiae, status rerum veritutis tanquam in latrociniū publicum: Fitque plane, ut homo homini sit lupus.

Parabola.

26. Noli esse amicus homini iracundo, ne ambulet cum homine furioso.

Explicatio.

Quanto religiosius amicitia jura inter bonos servanda & colenda sunt, tanto magis cavendum est, jam usq; à principio, de prudente amicorum detectu. Atq; amicorum natura & mores, quantum ad nos ipsos spectant, omnino ferendi sunt. Cum vero necessitatem nobis imponunt, qualem erga alios personam induamus, & geramus, dura admodum, & iniqua amicitiae conditio est. Itaq; interest in primis, ut præcipit Salomon, ad viam pacem, & præsidia, ne res nostras cum hominibus trahantur, & qui facile lites & iuris provocant, aut suscipiunt, commisceamus. Istud enim genus amicorum perpetuo nos contentionibus & factionibus implicabit; ut aut amicitiam abrumperet, aut incolumenti propriæ deesse, cogamur.

Parabola.

27. Qui celat delictum, querit amicitiam: sed quis altero sermone repetit, separat fœderatos.

Explicatio.

Duplex, concordiam tractandi, & animos reconciliandi, via. Altera, que incipit ab amicitia; Altera, que à repetitione injuriarum, subiungendo apologias, & excusationes. Equidem memini sententiam viri admodum prudentis & politici, *Qui pacem trahat, non repetitis conditionibus diffidit;* is magis animos dulcedine concordia fallit, quam agitatem componit. Verum Salomon, illo scilicet prudenter, in contraria opinione est; & amicitiam probat, repetitionem prohibet. Etenim in repetitione haec insunt mala; tum quod ea sit veluti unguis in ulcere; tum quod periculum impendeat à nova altercatione, (siquidem de injuriarum rationibus inter partes nunquam conveniet,) tum denique quod deducat rem ad apologias; At utraque pars, malit videti, potius offendam remissile, quam admisisse excusationem.

Parabola.

28. In omni opere bono erit abundantia; ubi autem verba sunt plurima, ibi frequenter egestas.

Explicatio.

Separat Salomon hac parabola fructum laboris legum, & laboris manuum; quasi ex altero provenit egestas, ex altero abundantia. Etenim si fete perpetuo, ut, qui multa effutunt, jaekant multa, multa promittunt, egeni sunt, nec emolumenum capiant ex illis rebus, de quibus loquuntur. Quin etiam, ut plutimum, industria minime sunt, aut impigri ad opera, sed tantummodo sermonibus se, tanquam vento, pascunt & satiant. Sane, ut potest, taloquitur, *Qui silent, est firmus.* Is qui conscient K 4 est,

est, se in opere proficere, sibi plaudit, & tacet: Qui vero è contra conscius est, auras se inanes captare, multa & mira apud alios prædicat.

Parabola.

29. *Melior est corрeptione manifesta, quam amor occultus.*

Explicatio.

Reprehendit *parabola* *mollitem amicorum*, qui amicitia privilegio non utuntur in admonendo libere & audacter amicos, tam de erroribus, quam de periculis suis. *Quid enim faciam (solet hujusmodi mollis amicus dicere) aut quo me vertam?* Amo illum quantum quis, maxime; meque, si quid illi adversi contigerit, ipsius loco libenter substituerim: Sed novis ingenium ejus; si libere cum eo egero, animum illius offendam; saltem contristabo; *N*eque tamen proficiam; *Atq; citius eum ab amicitia mea alienabo, quam ab iis, que in animo fixa habet, abducem.* Hujusmodi *amicum*, tanquam enervem, & inutilem, redarguit Salomon; atque plus utilitatis ab inimico manifesto, quam ab ejus generis amico, sumi posse pronunciat. Siquidem ea fortasse audiire ei contigerit ab *mimico* per contumeliam, quæ amicus mussat præ nimia indulgentia.

Parabola.

30. *Prudens advertit ad gressus suos; Stultus dicitur ad dolos.*

Explicatio.

Duae sunt *prudentia* species. Altera vera & sana: Altera degener & falsa, quam Salomon *stultitiae nomine* appellare non dubitat. Qui priori se debeat, viis & vestigiis propriis cayet, periculis prospiciens, meditans remedia: proborum opera utens, contra improbos se ipsum muniens, cautus inceptu, receptu non imparatus; in occasione attenuatus, contra impedimenta strenuus: cum innumeris aliis, quæ ad sui ipsius *actiones* & *gressus regendos* spectant. At altera species, tota est confusa ex *falsacis* & *astutis*, spemq; ponit omnino in aliis circumvenientibus, iisdemq; ad libitum effingendis. Hanc merito rejicit *parabola*, non tantum ut improbam, sed etiam ut *stultam*. Primo enim, minime est ex iis rebus, quæ in nostra sunt potestate, nec etiam aliqua *constantia regula* nititur: Sed nova quotidie communis cenda sunt stratagemata, prioribus fatiscentibus, & absoltis. Secundo, qui vafri & subdoli hominis famam & opinionem semel incurrit, præcipuo se ad res gerendas instrumento protulit, hoc est, *fide*: Itaque omnia parum votis suis consentientia experietur. Postremo, artes istas, ictus pulchre videantur, & complacent; attamen sepius frustrantur, quod bene notavit Tacitus: *Consilia callida & audacia, expectatione leta, tractatu dura, eventu tristitia.*

Parabola.

31. *Noli esse justus nimium, nec sapientior, quam oportet; carabripiare subito?*

Explicatio.

Sunt tempora (ut inquit Tacitus) *in quibus magnis virtutibus certissimum est exitum.* Atque hoc viris virtute & justitia egregiis, aliquando subito, aliquando diu ante prævolum, contingit. Quod si adjungatur etiam prudentia, hoc est, ut cauti sint, & ad propriam incolumitatem evigilent, tum hoc lucrantur, ut ruina eorum subito obveniat ex occultis omnino & obscuris consiliis, quibus & evi-

tetur invidia, & pernities ipsos imparatos adoriantur. Quod vero ad illud *Nimium*, quod in *Parabola* ponitur, (quandoquidem non Periandri alicuius, sed Salomonis verba sunt ista; Qui mala in hominum vita sepius notat, nunquam præcipit) intelligendum est, non de virtute ipsa, (in qua *Nimium* non est,) sed de vana ejus atque invidiosa affectatione, & ostentatione. Simile quiddam inuit Tacitus de Lepido, Miraculi loco ponens, quod nunquam servilis alicuius sententia auctor fuisset, & tamen tam sevis temporibus incolumis mansisset: *Subit (inquit) cogitatio, utrum hac fato regantur, an etiam sit in nostra potestate, cursum quandam tenere inter deformes obsequium, & abruptam contumaciam, medianas, periculo simul & indignitate vacuum.*

Parabola.

32. *Da sapienti occasionem, & addetur ei sapientia.*

Explicatio.

Distinguit *Parabola* inter *Sapientiam* illam, quæ in verum habitum increverit, & maturuerit, & illam, quæ natat tantum in cerebro & conceptu, aut sermone jackatur, sed radices altas non egerit. Si quidem prior, oblata occasione, in qua exerceatur, illico excitatur, accingitur, dilatatur, adeo ut se ipsa major videatur: Posterior vero, quæ ante occasionem alacris erat, occasione data, fit attonita & confusa, ut etiam ipsi, qui ea se præditum arbitrabatur, in dubium vocetur; annon præceptiones de ea fuerint insomnia mera, & speculations inanæ?

Parabola.

33. *Quilandat amicum voce alta, surgendo mane, erit illi loco maledictionis.*

Explicatio.

Laudes moderatae, & tempestivæ, & per occasionem prolatæ, famæ hominum atque etiam fortunæ, plurimum conferunt. At *immoderatae*, & *strepitæ*, & importune effulæ, nihil profund: *imo potius, ex sententia P arabolæ, impense nocent.* Primo enim manifesto se produnt, aut ex nimia benevolentia oriundas, aut ex composito affectatas, quo collaudatum potius falsis præcomis demereantur, quam veris attributis ornent. Secunda, *landes parca* & *modesta*, invitant fere præsentes, ut *ipsi* etiam aliquid adjiciant; profulsi contra & immodicæ, ut aliquid demant & detrahant. Tertio, (quod caput rei est) conflatur illi invidia, qui *nimum laudatur*: cum *landes omnes nimia*, videantur spectare ad contumeliam aliorum, qui non minus merentur.

Parabola.

34. *Quomodo in aquis resplendent facies: sic corda hominum manifesta sunt prudentibus.*

Explicatio.

Distinguit *Parabola* inter *mentes prudentium*, & *caterorum hominum*; Illas *aquis* aut *speculis* comparans, quæ species & imagines rerum recipiunt: cum alteræ similes sint terre, aut *lapidis impolito*, in quibus nihil reflectitur. Atq; eo magis apte comparatur *animus hominis prudentis* ad *speculum*: quia in *speculo* *imago* propria spectari possit, una cum *imaginibus aliorum*: Id quod *oculis* *ipsis* sive *speculo* non conceditur. Quod si *animus prudentis* adeo capax sit, ut innumeræ *ingenia* & *mores* obser-

yate

vare & internoscere possit; supererit, ut detur opera, quo reddatur non minus varius applicatione, quam representatione;

Quis sapit, innumeris moribus aptius erit.

ATque his *Salomonis Parabolis*, diutius fortasse immorati sumus, quam pro modo exempli dignitate & rei ipsius, & auctoris, longius pro-vecti.

Neque tantum in usu erat apud *Hebreos*, sed alibi etiam *Priscorum sapientibus* frequentissimum; ut si cuiuspiam observatio in aliquid incidet, quod vitæ communi conducibile fuisset, id redigeret & contraheret in brevem aliquam sententiam, vel *Parabolam*, vel etiam *Fabulam*. Verum, quod ad *fabulas*, (sicut aliud dictum est) illæ exemplorum vicarii, & supplementa, olim extiterunt: Nunc quando tempora *historiarum* copia abundant, ad animatum scopum rectius & acutius collimator. At motus scribendi, qui optime convenit argumento tam vario & multiplici, (quale est *tractatus de negotiis & occasionibus sparsis*) aptissimus ille esset, quem de legit *Macciavellus*, ad tractandas res *Politicas*; nimis per observations, sive discursus (ut loquuntur) super *historiam & exempla*. Nam scientia, quæ recenter, & quasi in conpechi nostro, ex particularibus elicitor, viam optime novit, particularia denuo repetendi: Atq; certe ad *Practicam* longe conduceit magis. cum discursus sive disceptatio sub exemplo militat, quam cum exemplum disceptationi subjungitur. Neque enim hic ordo tantum spectatur, sed res ipsa. Cum enim exemplum statuit tanquam disceptationis basis, universo cum circumstantiarum apparatu proprii soler, quæ discursum interdum corrigant, interdum supplant, unde sit loco exemplarum ad imitationem, & practicam: *Ubi e contra exempla, in gratiam disceptationis adducta succinete & nude citantur, & tanquam mancipia, nutus tantum disceptationis obleruant.*

Hoc vero discriminis opera primum fuerit obseruisse; quod sicut *historia temporum* optimam prebent materiam ad discursus super *Politica*, quales sunt illi *Macciavelli*; ita *historia vitarum* optime adhibentur ad *documenta de negotiis*; Quoniam omnem occasionem & negotiorum, tam grandium quam leviorum, varietatem complectuntur. Imo reperiit est basin ad *præceptiones de negotiis*, utrāq; illa *historia* adhuc commodiorem: Ea est, ut discursus sicut super *epistolæ*, sed prudentiores, & magis ferias; quales funtilla *Ciceronis* ad *Atticum*; & alia. Siquidem *epistole* magis in proximo & ad vivum, negotia solent repræsentare, quam vel *Annales*, vel *vita*. Quare jam, & de materia, & de forma portionis primæ, doctrina de *negotiis*, quæ tractat *occasions sparsas*, diximus; eamque inter desiderata numeramus.

Est & alia portio ejusdem *doctrine*, quæ tantum dissent ab illa altera, de qua diximus, quantum sapere & sibi sapere. Altera enim mouere videtur, tanquam à centro ad circumferentiam; Altera tanquam à circumferentia ad centrum. Est enim *prudentia* quædam *consilii alii imperienda*, est vero & alia *suis rebus prospicenda*: Atque hæ nonnunquam conjunguntur, sepius separantur. Multi siquidem in suis ipsorum rationibus instituendis prudentissimi sunt, qui tam in rebus publicis administrandis, aut etiam consiliis dandis, nihil valent: Formi-

ce similes; quæ creatura sapiens est ad se tuendum, sed horto plane noxia. Hæc virtus sibi sapientis, Romanis ipsis, licet patriæ optimis curatoribus, non ignota fuit: unde *Comicus*, *Nam pol sapiens singit fortunam sibi*. Quin & in *Adagium* apud ipsos versum est, *Faber quisque fortuna propria*. Et *Livius* hanc ipsam *Catoni Majori* tribuit: *In hoc viro tanta vis animi & ingenii inerat, ut quocunque loco natus esset, sibi ipsi fortunam facturus videbatur.*

Hoc genus *prudentia*, si quis ipsum proficeratur, & palam venditet, semper habitum est, non modo non *Politicum*, verum etiam infaustum quiddam, & inauspicatum: Sicut in *Timotheo Atheniensi* observatum est: *Qui, postquam præclara multa facinora in decus & commodum civitatis suæ, edidisset, atque administrationis suæ (sicut tum moris erat) populo rationem redderet; singula conclusit hac clausula;* *Atque in hacre fortuna partes fuerunt nulla.* Contigit vero ut post id temporis nunquam ei quicquam feliciter cesserit. Sane nimis elatum hoc, & altum sapiens, eodem spectans, quo *Ezechielis* illud de *Pharaone*; *Dico, Fluvius est meus, & ego feci memet ipsum*, aut illud *Habacuc Prophete*; *Exultant & sacrificant reti suo*, aut illud etiam *Poëte*, de contemptore *Deum Mezentio*:

*Dextra mihi, Deus, & telum, quod missile libro,
Nunc adsint.*

Denique, *Julius Cæsar*, nunquam (quod memini) impotentiam cogitationum suarum arcanarum prodidit, nisi simili dicto: *Cum enim Aruspex ei referret, exta reperta fuisse non bona, ad murmuravit submissus: Erunt latiora cum volo.* Quid etiam dictum, mortis sue infortunium nō diu præcessit. Verum excessus iste fiducie (ut diximus) res, ut profana, ita semper infelix. Quapropter, *Viris magnis, & vere sapientibus, vilium, successus quoilibet felicitati sue, non virtuti, aut industræ, tribuere*: Nam & *Sylla*, *felicem se, non Magnum cognominat*; & *Cæsar* (melius quam supra) ad navis gubernatorem; *Cæarem vehis, & Fortunam eius*.

Attamen istæ sententiae; *Faber quisque fortuna sua; Sapient dominabitur astris; In via virtutis nulla est via, ac similes, si intelligentur & adhibeantur potius pro calcaribus ad industriam, quam pro stapedibus ad insolentiam, magisque ut prognant in hominibus decretorum constantiam & robur, quam arrogantiam & jactantiam, tanquam sanæ & salutares merito habita sunt, ac proculdubio in peccatoribus hominum magnanimorum sedem nonnullam occupant; eosque ut cogitationes tales quandoque agitæ dissimulent.* Videmus enim, *Augustum Cæarem* (qui cum Avunculo suo comparatus, potius ab illo diversus quam inferior fuit; sed Vir certe paulo moderatior) sub finem vitæ petiisse ab amicis, qui lectum ejus circumstabant, ut, postquam expirasset, sibi planderent, quasi conscius sibi fuisset, *minimum vita a se commode transactum*. Hæc quoque *doctrine* portio inter desiderata numeranda est: Non quin in praxi, etiam nimio plus quam oportet, usurpata sit & frequentata; Verum quod libri de illa silent. Quamobrem ex more nostro, sicut in priore, nonnulla ejus capita tecensemus: Eamque fabrū

223

fortuna, sive (ut diximus) doctrinam de ambitu vita nominabimus.

Ac primo quidem intuitu, novum quoddam & insolitum argumentum tractare videbor: docendo homines, quomodo *fortuna sua fabri fieri possint*, Doctrinam certe, cui quis libenter se discipulum adixerit, donec difficultatem ejusdem habuerit perspectam. Non enim leviora sunt, aut pauciora, aut minus ardua, quae ad *fortunam* comparandam requiruntur, quam quae ad *virtutem*: Resque est & que difficilis ac severa, fieri vere *Politicalum*, ac vere *Moralem*. At hujus doctrina per tractatio plurimum ad literarum, tum *decs*, tum *pondus*, pertinet. Interest enim imprimis honoris litterarum, ut homines icti pragmatici sciant, eruditio[n]em haud quamquam avicula, qualis est alauda, similem esse, quae in sublime ferti, & cantillando se oblectare soleat; at nihil aliud: quinimum ex accipitris potius genere esse, ut qui in alto volare, ac subinde, cum visum fuerit, descendere, & prædam rapere novit. Deinde & ad perfectionem literarum hoc ipsum spectat, quia legitimæ inquisitionis vera norma est, ut nihil inventari in globo materie, quod non habeat parallelum in globo crystallino, sive intellectu. Hoc est, ut nihil veniat in Practicam, cuius non sit etiam *Doctrina* aliqua & *Theoria*. Neque tamen literæ hanc ipsam *fortunam* architecturam aliter admirantur, aut estimant, quam ut opus quoddam inferioris generis. Nemini enim *fortuna propria*, pro dono esse sui, à Deo concessa, ullo modo digna retributio esse possit. Quin & non rati fit, ut virti virtutibus egregii fortune sua sponte renuncient, ut rebus sublimioribus vident. Digna tamen est *fortuna*, quatenus virtutis ac benemerendi organum est, sua quoque *speculatione* & *doctrina*.

Adhuc doctrinam pertinent præcepta, nonnulla *summaria*, nonnulla *sparsa* & *varia*. Præcepta *summaria* versantur, circa veram notitiam, & aliorum, & sui. Primum igitur præceptum (in quo cardo notitia aliorum vertitur) illud constitutatur, ut procuremus nobis (quantum fieri possit) *fenestram* illam, quam olim requisivit Momus. Ille, cum in humani cordis fabrica tot angulos & recessus conspicatus esset, id reprehendit, quod defuisse fenestra, per quam in obscuros illatos & toruosos anfractus inspicere quis possit. Hanc autem fenestrarum obtinebimus, si omni sedulitate nobis informationem comparemus, & procuremus, de personis, quibuscum intercedunt negotia, particularibus; et cumque ingeniis, cupiditatibus, finibus, moribus, auxiliis & adminiculis, quibus præcipue sufficiunt & valent; & rursus, defectibus & imbecillitatibus, quaque ex parte maxime pateant & obnoxii sint; amicis, factionibus, patronis, clientelis; rurisque inimicis, invidis, competitoribus, etiam temporibus & aditibus;

(*Sola viri molles aditus & temporanoris;*)

denique institutis, & normis, quas sibi prescriverunt; & similibus. Quin etiam, non solum informatio capienda est de personis, sed insuper de *aetionibus* particularibus, quae de tempore in tempus in motu sunt, & tanquam sub incude; Quomodo regantur & succedant, quorum studii foveantur, a quibus oppugnantur, cuiusque sint ponderis & momenti, & quid secum trahant, & hujusmodi. Etenim *actiones* præsentes nosse, & in se plurimum

prodest; & illud insuper habet, quod absque hoc, etiam personarum notitia valde futura sit fallax & erronea. Mutantur enim homines simul cum actionibus, & alii sunt, dum actionibus ipsis implicantur & obsidentur: alii postquam redierint ad ingenium. Atque haec de rebus particularibus informationes, quae tam ad *personas* quam ad *actiones* spectant, sunt tanquam propositiones minores in omni activo Syllogismo. Nulla enim observacionum aut axiomatum (unde conficiuntur majores propositiones politicae) veritas, aut excellentia, ad conclusionis firmamentum sufficere possit; si in minore præpositione fuerit erratum. Quod vero hujusmodi notitia comparari possit, fidei usq[ue] nobis est Salomon, qui ait; *Consilium in corde viri, tanquam aqua profunda, sed vir prudens exhauriet illud.* Quamvis autem ipsa notitia non cadat sub præceptum, quoniam individuorum est; attamen mandata de eadem elicienda utiliter dari possunt.

Notitia hominum sex modis elicetur & hauriri potest: per *vultus* & *ora* ipsorum, per *verba*, per *facta*, per *ingenia* sua, per *fines* suos, denique per *relationes* aliorum. Quantum ad *vultus* attinet, minimus moveat vetus adagium, *fronte nulla fides*: Licet enim hoc ipsum non perperam dictum sit, de *vultus* & *gestus* compositione externa & generali; at tamen subsunt subtiliores quidam motus, & labores *oculorum*, *oris*, *vultus*, & *gestus*: Ex quibus reseratur & patet (ut eleganter ait Q. Cicero) veluti *Ianua quadam animi*. *Quis Tiberio Cæsare occultior?* At Tacitus, notans characterem & modum loquendi diversum; quo usus est Tiberius in laudando apud Senatum *Res à Germanico* & *à Druso* gestas, de laudibus Germanicis sic: *Magis in speciem adornatis verbis, quam ut peritus sentire videbatur.* De laudibus Drusi sic; *Paucioribus, sed intentior, & fida oratione.* Iterum Tacitus, eundem Tiberium, alias etiam ut non nihil pellucidum, notans: *in aliis (inquit) erat veluti eluctantum verborum; solitus vero loquebatur, quando subveniret.* Sane difficile reperiatur simulationis artifex: aliquis tam peritus & egregius: aut *vultus* aliquis ita coactus, &, ut ille loquitur, *jussus*; qui à sermone artificio & simulatorio possit istas notas fejungere, quin aut sermo sit solito *solutior*, aut magis *vagus* & *oberrans*, aut magis *aridus* & *quasi cœans*.

Ad *verba* *hominum* quod attinet, sunt quidem illa (ut de Utrinis loquuntur Medici) *meretricia*. Sed isti *meretriciti faci* optime deprehenduntur duobus modis: Cum scilicet *proferuntur verba* aut *ex improvviso*, aut in *perturbatione*. Sic Tiberius, cum ex Agrippina verbis aculeatis subito commotus esset, & non nihil abreptus, extra innata simulationis terminos pedem protulit; *Audita haec* (inquit Tacitus) *raram occulti peccoris vocem elicere; correptamque, Greco versu, admonuit; Ideo ledit, quia non regnaret.* Quare Poëta perturbatio nechujusmodinon inscite appellat *torturas*, quod ab iis secretis sua prodere homines compellantur;

— — *Vinotortus & ira.*

Ipsa sane testatur experientia; paucos admodum reperi, qui erga arcana sua tam fidi sint, animumque gerant adeo obfitematum, quin interdum ex iracundia, interdum ex jaestantia, interdum ex intima erga amicum benevolentia; interdum ex animi

animi imbecillitate, qui se mole cogitationum onerari amplius non sustineat, interdum denique ex alio quopiam affectu, intimas animi cogitationes reuelent & communicent. Ac ante omnia sinus animi excutit, si simulatio simulationem impulerit; juxta Adagium illud Hispanorum; *Dic mendacum, & erues veritatem.*

Quin & factus ipsis, licet humani animi pignora sint certissima, non proflus tamen fidendum, nisi diligentem ac attente penitatis prius illorum & magnitudine, & proprietate. Illud enim verissimum; *Fraus sibi in parvis fidem praesertim, ut majore emolumento fallat. Italus vero scipium. In spostare lapide putat, ubi praeceps predicit, si melius solito trahatur, absq; causa manifesta.* Etenim officia ista minora homines reddunt oscitantes, & quasi consipitos, tam ad cautionem, quam ad industrias: Atque ita à Demosthene appellantur *alimenta cordis.* Porro proprietas & naturam nonnullorum fallorum, etiam quæ beneficiorum loco habetur, subdolam & ambiguam, luculentur cernere licet ex eo, quod Antonio Primo imposuit Mutianus: Qui post redditum cum eo in gratiam, sed fide pessima, plurimos ex Antonii Amicis ad dignitates eyexit; *Similis amicis ejus praefecturas & tribunatus largitur.* Hoc autem alia Antonium non munivit, sed exarmavit penitus & desolavit, amicitias ejus ad se transferendo.

Certissima autem clavis, ad animos hominum referandos, vertitur, in rimandis & pernoscendis, vel *ingenii* & *naturi* ipsorum, vel *finibus* & *intentionibus.* Atque imbecilliores certe & simpliciores, ex *ingenio;* Prudentiores autem, & teuctiores: ex *finibus* suis optime judicantur. Certe prudenter & facete (licet meo iudicio minus vere) dictum fuit à nuntio quopiam Pontificis, sub redditu ejus à Legatione apud Nationem quandam, ubi tanquam Ordinarius resederat. Interrogatus de dilecta Successoris sui, consilium dedit, nullo modo mitteretur aliquis, qui eximie prudens esset, sed potius mediocris etiam tantum, quoniam (inquit) ex prudentioribus nemorū facile conjetur, quid verisimile foret illius gentis homines facturos. Sane non raro intervenit ille error, & maxime familiaris est Vitis Prudentibus, ut ex modulo ingenii proprii aliis metiantur, ac proinde ultra scopum sepius jaculentur, supponendo quod homines majora quedam meditentur, & sibi destinent, & subtilioribus technis utantur, quam quæ illorum animos unquam subierint. Quod etiam eleganter innuit Adagium Italicum, quo notatur; *Nummorum, prudentiae, fidei, semper minores inveniri rationes, quā quis putaret.* Quare in levioris ingenii hominibus, quia multa absurdula faciunt, capienda est conjectura potius ex propensionibus *ingeniorum,* quam ex destinationibus *finium.* Porto, *Principes* quoque (sed longe aliam ob causam) ab *ingenio* optime judicantur: *Privati autem ex finibus.* Principes enim fastigium adepti humanorum desideriorum, nullos fere sibi propositos *fines* habent, ad quos præsertim vehementer & constanter aspirent: ex quorum *finium* situ & dilatantia, reliquarum suarum *actionum* possit excipi & confici Directio & Scala: Id quod inter alia, causa est vel *præcipua*, ut *corda eorum* (quod Scriptura pronunciat) *sint inscrutabilia.* At *privatorum* nullus est, qui non sit plane velut viator, & proficiscatur intente ad aliquam itineris metam, ubi

consistat: unde non male divinare quis poterit quid facturus sit, aut non facturus. Si enim in ordine sit quidpiam ad finem suum, probabile est facturum: Sin sit in contrarium finis, minime. Neque *definum* aut *ingenorum* in hominibus diversitate informatio capienda est simpliciter tantum, sed & comparare: Quid (cicilicet predominet), & reliqua in ordinem cogat? Sic, ut videmus, Tigellinus, cum se Petronio Turpiano inferiorem sentiret in voluptatibus Neroni ministrandis & pre-gustandis, *Metus* (ut ait Tacitus) *Neronis rimatus* est, & hoc pacto axulum eyerit.

Ad nos tamen quod attinet, de hominum animis, secundariam, nimirum, quæ ab aliorum relatione desumitur, breviter dicere sufficiet. Defectus & vitia didiceris optime ab inimicis: *Virtutes & facultates ab amicis:* Mores & tempora à famulis: Opiniones & meditationes ab intimis familiaribus, cum quibus frequentius colloquia miscent. Fama popularis levis est, & superiorum judicia minus certa: Etenim coram illis teuctiores incedunt homines; *Verior fama è domesticis emanat.*

Verum ad *inquisitionem* istam universam via maxime compendaria in tribus consistit. Primum, ut *amicitias multas* comparemus, cum ejusmodi *hominiis*, qui multiplicem & variam habent, tam rerum, quam personarum, notitiam: In primis vero intendum, ut saltem singulas habeamus preste, qui, pro negotiorum atque hominum diversitate, nos de unaquaque re certiores facere & sole informare possint. Secundo, ut *prudens temperamentum & mediocritatem* quandam perseguamus, & in libertate sermonis, & in taciturnitate: frequentius libertatem usurpantes: at, cum res postulat, silentium. *Libertas* siquidem in sermone, etiam alios invitat & provoca, ut pari libertate erga nos utantur: Et sic multa deducit ad notitiam nostram: At taciturnitas fidem conciat, efficitque, ut ament homines secreta sua apud nos, tanquam in sinu, deponere. Tertio, is nobis paulatim acquirendus est *habitus*, ut vigilante & praesente animo, in omnibus colloquiis & actionibus, simili & rem, quæ inflat, geramus, & alia, quæ incidunt, observemus. Nam sicut Epicetus præcipit, ut *Philosophus*, in singulis suis actionibus, ita secum loquatur: *Et hoc volo, & etiam instantium servare;* Sic *Politicus* in singulis negotiis ita secum statuat; *Et hoc volo, atque etiam aliquid, quod in futurum usui esse possit, addiscere.* Itaque, qui eo sunt ingenio, ut nimirum hoc agant, & toti sint in praesente negotio quod in monibus habent, de his autem, que interueniunt, nec cogitant quidem, (id quod insegnoscit Montaneus) illi certe Ministri Regum aut Rerumpubl. sunt vel optimi, sed ad proprias fortunas claudicant. Interim cautio ante omnia adhibenda, ut *impetum animi & alacritatem* nimiam cohibeamus, ne multa sciendo, ad nos multis immiscendum feratur. Infelix enim quiddam est, & temerarium, *Polypragmosyne.* Itaque ista, quam comparandam præcipimus, notitia rerum & personarum varietas, huc tandem redit, ut & rerum, quas suscipimus, & hominum, quorum opera utimur, magis cum iudicio delectum faciamus, unde cuncta & magis dextre, & magis tuto, disponere & administrare sciamus.

Notitiam aliorum sequitur notitia sui. Etenim non

nion minor diligentia adhibenda est, sed major potius, ut nos de nobis ipsis, quam de aliis, vere & accurate informemus. Quippe cum oraculum illud, *Nosce te ipsum*, non tantum sit canon prudentiae universalis, sed & in *Politica* praepedium locum habeat. Optime enim homines monit S. Jacobus, *cum qui vultum in speculo consideravit, obliviscerat amorem suum, qualis fuerit*: Ut omnino frequenti inspectione sit opus. Idque tenet etiam in *Politice*. Sed *specula* scilicet sunt diversa: Nam *speculum Divinum*, in quo nos contueri debemus, est verbum Dei: *Speculum autem Politicum*, non aliud est, quam *Status Rerum*, & *Temporum*, in quibus vivimus.

Examen igitur accuratum, nec quale esse solet; Sui nimium Amantis, instituendum est *homini*, de propriis facultatibus, virtutibus & admittentibus, nec non de defectibus, inhabilitatibus, & obsecratis: ita rationem subducendo, ut hæc perpetuo in majus illa autem minoris potius, quam revera sunt, astimentur. Ex hujusmodi autem examine, in *considerationem* veniant, quæ sequuntur.

Prima *consideratio* sit, quomodo alicui homini, moribusque & naturæ suæ; cum temporibus convenienti; quæ si inventa fuerint congrua omnibus in rebus, magis libere & solute agere, & suo ingenio uti licet: sicut si aliqua antipathia, tum demum in universo vita cursum magis caute & recte est incedendum, minusque in publico versandum. Sic Tiberius fecit, qui morum suorum sibi conscius, cum seculo suo non optime convenientem, ludos publicos nunquam spectavit: quin etiam per duodecim continuos annos postremos nunquam in Senatum venit: ubi contra Augustus perpetuo in oculis hominum vixit: quod & Tacitus observat; *Alio Tiberio morum via*. Eadem & Periclis ratio fuit.

Secunda sit *consideratio*, quomodo alicui conveniat cum professionibus & generibus vita, quæ in usu & preio sunt, quorumque sibi delectus sit faciens: ut si jam decretum non sit de genere vita, maxime aptum & ingenio suo congruum sumat: sicut jam pridem id genus vita, at quod minus à natura factus est, fuerit ingens, sub prima occasione se subducatur, & novam conditionem arripiatur. Id quod à Valentino Borgia videmus factum, ad vitam sacerdotalem à patre innutrito: quam tamen postea e juravit, suo obsecratus ingenio, & vita militari se applicuit: quanquam Principatu æque ac Sacerdotio indignus, cum utrumque homo pestilens dehortaverit.

Tertia sit *consideratio*, quomodo se habeat quis, comparatus ad aequales & amicos suos, quos verisimile sit eum habitare in fortuna sua competitores: eumque vita cursus teneat, in quo maxima inventari virorum egregiorum solitudo: atque in quo probabile sit, se ipsum inter ceteros, maxime posse enire. Id quod à C. Cesare factum est: qui ab initio Orator fuit, & causas egit: & in Toga potissimum versabatur: Cum vero vidisset, *Ciceronem*, *Hortensem*, *Catulum*, eloquentia gloria excellere, Rebus vero Bellicis clarum admodum neminem, præter Pompejum; destitutus ab incepto, & Potentia illi Civili multum yaledicere jubens, transtulit se ad artes militares, & Imperatorias: Ex quibus ad summum rerum fastigium concendit.

Quarta sit *consideratio*, ut naturæ suæ & ingenii

rationem habeat, in *diligendis amicis*; ac *necessariis*: Siquidem diversis diversum genus amicorum convenit; alias solenne, & taciturnum; aliis audax, & jactabundum; & complura id genus. Certe notatum dignum est, quales fuerint amici Julii Caesaris (Antonius, Hirrius, Pansa, Oppius, Balbus, Dolabella, Pollio, reliqui:) Illi scilicet jurare solebant, *Ita vivente Cesare moriar*; infinitum studium erga Caesaris præse ferentes; erga omnes alios arrogantes & contemptores. Fueruntque homines in negotiis gerendis impigri; fama, & exstimatione, mediocres.

Quinta sit *consideratio*, ut caveat quis sibi ab exemplis; neque ad imitationem aliorum se inepte componat; quasi quod alii fuerit pervium, etiam sibi patere necesse sit; neutquam secum reputans, quantum fortasse interfuerit inter suum, & illorum, quod ad exemplum sibi delegit, ingenium & mores. In quem errorem manifesto incidit Pompejus, qui, ut Cicero scriptum reliquit, toties solitus erat dicere: *Sylla potuit, ego non potero?* Quia in re vehementer sibi imposuit, cum ingenum & rationes agendi Sylla à suis *sotto caelo* (ut ajunt) distarent: cum alter ferox esset, violentus, qui que factum in omnibus urgeret: alter gravis, legum memor, omniaque ad Majestatem & famam componentis, unde longe minus erat, ad perficienda qua cogitarat, efficax & validus. Sunt & aliae hujus generis *præceptiones*: verum haec ad exemplum reliquarum sufficiunt.

Neque vero, *Nosce te ipsum*, homini sufficit, sed ineunda etiam est ratio secum, quomodo se ostendare, declarare, denique slettare & effingere, commode & prudenter possit. Ad ostendandum se quod attinet, nihil videamus usu venire frequentius, quam ut qui virtutis habitu sit inferior, specie virtutis externa sit potior. Non parva igitur est prudentie prerogativa, si quis arte quadam, & decoro, specimen sui apud alios exhibere possit; *virtutes suas, merita, atque fortunam* etiam, (quoad sine arrogancia aut fastidio fieri possit) commode ostendendo; contra, *vitia, deficiens, infornitia & decora*, artificiose occultando; illis immorans, easque veluti ad lumen obvertens, his subterfugia querens, aut apte ea interpretando eluens; & similia. Itaque, de Mutiano, viro sui temporis prudentissimo, & ad res gerendas impigerissimo, Tacitus; *Omnium, que dixerat feceratque, arte quadam Ostensor*. Indiget certe res haec arte nonnulla, nec tedium & contemptum pariat: Ita tamen, ut ostentatio quæpiam, licet usque ad vanitatis primum gradum, vitium sit potius in *Ethicis*, quam in *Politice*. Sicut enim dici solet de calunnia, *Audacter calumnare, semper aliquid heret*: sic dici possit de jactantia, (nisi plane deformis fuerit & ridicula,) *Audacter te vendita, semper aliquid heret*. Hæredit certe apud populum, licet prudentiores subrideant. Itaque existimatio parta apud plurimos, paucorum fastidium abunde compensabit. Quod si ista, de qua loquimur, *sui ostentatio* decenter & cum judicio regatur; Exempli gratia; Si nativum quandam peccoris candorem & ingenuitatem præseferat: aut si illis temporibus adhibeatur, vel cum pericula circumstant (ut apud viros militares in bellis,) vel cum aliis invidia flagrant; aut si verba, quæ ad laudes proprias pertinent, tanquam aliud agenti excidisse videantur; minimeque vel serio, vel

vel prolixo nimis, iis insistatur; aut si ita qu's se laudibus honeste, ut simul etiam censuris & jocis erga se non abstineat, aut si denique hoc facit, non sponte, sed tanquam lacestus, & aliorum insolentiss & contumelios provocatus; non parvum certe hæc res existimationi hominis cumulum adhicit. Neque sane exiguis est eorum numerus qui, cum natura sint magis solidi, & minime ventosi, atque propter ea hac arte, honoris suo velsificandi, careant, Moderationis suæ, nonnulla cum dignitatis tactu dant pœnas.

Verum hujusmodi ostentationem virtutis, utcumque aliquis infirmiori iudicio, & nimium fortasse Ethicus, improbarerit: illud nemo negavit, dampnum saltem esse operam ut virtus per incuriam iusto suo præcio non fraudetur, & minoris quam revera est, asseretur. Hæc vero in virtute astimanda, pretii diminutio, tribus modis solet contingere: Primo, quando quis, in rebus gerendis, se, & operam suam, offert & obtrudit, non vocatus, aut accessitus: Hujusmodi enim officis, remunerationis loco esse solet, si non repudientur. Secundo, quando quis in principia rei gerendæ virtibus suis nimium abutitur; & quod sensim erat præstatum, uno impetu offendit: Id quod rebus bene administratis prætoperam conciliat gratiam, in fine autem faciatatem inducit. Tertio, quando quis virtutis sua fructum, in laudibus, plausu, honore, gratia sibi præbitis, nimis cito & leviter sentit, atque in iis sibi complaceret, de quo prudens habetur monitum: *Cave ne infactus rebus majoribus videaris, si haec ter resparsa, sicuti magna, delebas.*

Defectum enim vero sedula occultatio, minoris haudquam momenti est, quam *virtutum* prudens & artificiosa ostentatio. *Defectus* autem occultantur, & latenter maxime, triplici quadam industria, & quasi tribus latebris; *Cautione, prætextr, & confidenzia.* *Cautionem* dicimus, quando iis rebus prudenter abstinemus, quibus patres non sumus: *Ubicontra, ingenia audacula, & inquietia,* se facile ingenerunt, sine iudicio, rebus, quibus non insueverunt; & proinde detectus suis propriis publicant, & quasi proclamant. *Prætextum* dicimus, cum sagaciter, & prudenter, viam nobis seruamus & manimus, que benigna & commoda de *vitiis & defectibus* nostris fiat interpretatio; quasi aliunde provenientibus, aut alio tendentibus, quam vulgo existimat. Etenim de latebris vitiorum non male Poëta:

Sapienter vitium proximitate boni.

Quare, si quem *defectum* in nobis ipsis perceperimus, opera danda, ut persona & *prætextum* *virtutis finium* mutuemur, sub cuius umbra latet. Verbi gratia, tarda gravitas *prætexenda, ignoranter, & sic de ceteris.* Illud eriam utile, probabilem aliquam causam obtendere, & in vulgo spargere, qua adducti, ultimas vires nostras promere refugiamus; ut quod non possumus, nolle videamus. Quod ad *confidenciam* attinet, impudens certe est remedium, sed tamen certissimum arque efficacissimum: Nempe, ut quis ea omnino contemnere, & vilipendere se profiteatur, que revera allequi non possit: Mercatorum prudentium more, quibus solenne est, & proprium, ut pretium mercium suarum attollant, aliorum deprimant. Est tamen & aliud *confidenciam* Genus, hoc ipso impunitius; Nimirum, perficta fronte *defectu* suos

etiam opinioni obtrudere, & venditare, quasi in iis, quibus maxime destituitur, se eminere credat. Atque ut hoc facilius cæteris imponat, se in iis rebus, quibus revera plurimum pollet, fingat dissidentem. Quemadmodum fieri videmus in Poëtis. Poëta enim carmina sua recitante, si unum aliquem versiculum non admodum dixerit probandum, audias illico: *Atq. hic versu plurimi bñ consit, quam reliquorum plurimi.* Tum vero aliud quempiam verium adduceret, quasi sibi suspectum, & de eo, quid putes, sciscitabitur, quem satis norit, inter plurimos esse optimum, & censuræ minime obnoxium. Ante omnia vero ad hoc, quod nunc agitur, ut scilicet specimen sui quis edat coram aliis illustre, & jus suum in omnibus retineat, nil magis interesset iudico, quam ne quis per nimiam suam naturæ bonitatem, & suavitatem, se exarmet, & in iuriis & contumelias exponat: Quin potius in omnibus aliquos animi liberi, & generosi, & non aculei minus quam mellis intra se gestantis, igniculos, subinde emittat. Quæ quidem munita vita ratio, una cum prompto & parato ad se a contumelias vindicandum animo, aliquibus ex accidente imponitur, & necessitate quadam inevitabili, propter aliquid infixum in persona aut fortuna sua: veluti sit in deformibus, & spuriis, & ignominiosis aliquam multitatis: unde hujusmodi homines, si virtus non desit, felices plerumque evadunt.

Quod vero ad se declarandum attinet; id alia res omnino est ab ostentatione sui, de qua diximus. Neque enim ad virientes aut defectus hominum referuntur; sed ad actiones vita particulares. Quæ in parte nihil inventur magis Politicum, quam ut Medicoritas quedam servetur, prudens & sana in sensu animi, circa actiones particulares, aperiendo, aut recondendo. Licet enim profunda taciturnitas, & consiliorum occultatio, & is rerum gerendarum modus, qui omnina cæcis & (ut modernæ linguae potius loquuntur) surdis artibus & meditis operetur, res sit & utilis, & mirabilis: tamen non raro evenit, ut (quod dicitur) *Disimulatio errores pariat, qui disimulatorem ipsum illaqueant.* Nam videmus, viros politicos, maxime omnium insignes, libere & indissimulanter fines, quos petent, palam proferre non dubitasse. Sic L. Sylla manifesto præ se tulit, se, omnes mortales velflices, vel infelices fieri, cupere, prout sibi essent vel amici, vel inimici. Sic Cæsar, cum primum profectus est in Gallias, nil virtutis est profiteri: se malle primum esse in villa obscura, quam secundum Romam. Idem Cæsar, cæpto jam bello, dissimulatorem minime egit, si Audiamus, quid Cicero de illo prædicet. Alter (Cæsarem innuens) non recusat, sed quodammodo postulat, ut (ut est) sic appelletur Tyrannus. Similiter videmus, in Epistola quadam Ciceronis ad Atticum, quam minime fuerit Augustus Cæsar dissimulator; qui in ipso ingressu ad res gerendas, cum adhuc Senatni esset in deliciis, solitus tam tam erat in concionibus apud populum jurare illa Formula: *Ita parentis honores consequiticeat.* Illud autem non minus quiddam erat, quam ipsa tyrannis. Verum est, ad invidiam paululum leniendam, solitum eum simul ad statuam Iulii Cæsaris, quæ in Rostris posita erat, manum pretendere. Homines autem ridebant, & plaudebant, & admirabantur, & inter se ita loquebantur: *Quid hoc est? Qualis Adolescens?* Sed tamen nihil malitiae in eo suppicabantur, qui

Tam candide & ingenue, quod sentiret, loquenter. Etisti quidem, quos animavimus, prospera omnia consecuti sunt: Pompejus contra, quia ad eosdem tendebat fines, sed viis magis umbrosis & obscuris, (sicut Tacitus de eo loquitur, *Occultior, non melior*: atque Salustius similiter idem insimulat, *Ore probo, animo invercendo*:) id profusagebar, & innumeris technis moliebatur, ut cupiditas suas & ambitionem alte recondendo, interim Rempublicam in Anarchiam & Confusionem redigeret, quo illa se necessario in sinu ejus coniceret, atque hoc pacto summa rerum ad eum deferretur, quasi invitum & renirentem. Cum vero hoc se putaret consequutum, factus Consul solus (quod nunquam cuiquam contingisset) nihilo plus ad fines suos proficiebat, eo quod etiam illi, qui procul dubio eum fuisse adjuturi, quid vellet, non perciperent. Adeo tandem coactus sit, tritam & vulgarem inire viam, at scilicet, prae{text}u*le* Cæsari opponendi, arma & exercitum compararet. Adeo lenta, casibus obnoxia, & plerumque infelicia solent esse ea consilia, quæ profunda *dissimulatione* obtieguntur. Qua de re, idem sensisse videtur, Tacitus, cum *simulationis* artificia, tanquam inferioris subsellij prudentiam, constituit, pra*arbitribus* politicijs illam Tiberio, has vero Augusto Cæsari attribuens. Etenim, de Livia verba faciens, sic loquitur: *Quod fuisset illa cum arbitribus mariti, & simulatione filij, bene compoſita.*

Quod ad animum *fleſtendum* & *effingendum* attinet; Totis viribus certe incumbendum, utanimus reddatur occasionibus & opportunitatibus obsequens, neque ullo modo erga eas durus aut teniens. Neque enim mox sacerdotis impeditimentum ad res gerendas, aut fortunas hominum constituendas, quam illud; *Idem manebat, neque idem decebat*; videlicet, cum homines idem sunt, & natura sua utuntur, postquam occasione se mutaverint. Bene itaque Livius, cum Catonem majorern introducit, tanquam fortune sua architectum peritissimum, illud subiungit, quod ei fuerit *ingenium versatilis*. Atque hinc sit, quod ingenia gravia & solemnia, & mutare nescia, plus plerumque habent dignitatis, quam felicitatis. Hoc vero vitium in aliquibus à natura penitus insitum est, qui suoptte ingenio sunt *viscosi* & *nodosi*, & ad verlandum inepti. At in aliis *conſuetudine* obtinuit (qua est altera *natura*) atque opinione quadam, (qua in animos hominum facile obrepit) ut minime mutandam sibi pertent rerum gerendarum rationem, quam prius bonam & prosperam sint experti. Prudenter enim observat Macciavellus in Fabio Maximo, quod *pristinum suum & inveteratum cunctandi, & bellis trahendi morem retinere mordacis voluerit, cum natura bellis effet alia, & acirora postularet consilia*. In aliis porro idem vitium ex inopia Judicij progignitur; cum homines periodos rerum & actionum non tempestive discernant; sed tunc demum levertant, postquam opportunitas jam elapsa sit. Tale quidpiam in Atheniensibus suis redarguit Demosthenes, eos a jensi esse *ruficis similes, qui in ludo Gladiatorio se probantes, semper post plagam acceptam, in eam partem maniendam scutum transferunt, qua percussi sunt; non prius*. In aliis rursus hoc ipsum contingit, qui operam, in via ea quam semel ingressi sunt, collocatam, perdegravantur, nec receptui canere sciunt, sed po-

tius, se occasionibus superiores fore constantia sua confidunt. Verum ista animi *viscositas* & *retinencia*, à quacunque illa tandem radice pullularit, rebus gerendis, & fortuna hominum, est damnofissima: Nihilque magis Politicum, quam animi rotas reddere cum rotis fortunæ concentricas, & simul volubiles. Atque de *præceptis duobus summaris*, circa *Fortuna Architecturam*, haec tenus. *Præcepta* autem pars haud pauca sunt; Nos tamen per paucia deligemus, pro modo exempli.

Primum *præceptum* est; *Faber fortuna, amissus* sua perite utatur, eamque rite applicet; *Hoc est*, animum assuefaciat, ut rerum omnium pretium & valorem estimet, prout ad fortunam & fines suos magis aut minus conducant; *Hocq; curet sedulo, non perfunctorie*. Mira enim res, sed verissima; Inveniuntur plurimi, quorum mentis pars *Logica* (si ita loqui licet) est bona, *Mathematica* pessima; videlicet, quid de rerū consequentiis satis firmiter judicant; de pretiis vero imperitissime. Hinc sit, ut alii privata & secreta cum Principiis colloquia; alii autas populares, tanquam magna adepti, admittentur, cum sit utrumque spe numero res & invidia & periculo plena: Alii autem res metiuntur ex difficultate atque opera sua in eis impensa; fieri oportere existimant, ut quantum moverint, tantum etiam promoverint: Sicut Cæsar de Catone Uticensi, veluti per Ironiam, dixit, narrando, quam laboriosus fuerit & assiduus, & quasi indefatigabilis, neque tamen multum ad rem; *Omnia* (inquit) *magnō studio agebat*. Hinc etiam illud accidit, ut homines spepius se ipso fallant; qui, si Magnalia, cuius aut Honorati virtu opera utantur, sibi omnia prospera promittunt; cum illud verum sit, nos grandissima quæque instrumenta, sed aptissima, citius & felicius opus quodque perficeret. Atque ad *Mathematicam* veram animi informandam, opera pretium est, illud in primis nosse, & descriptum habere, quid ad eumque fortunam consti-tuendam & promovendam primum statu debeat, quid secundum, & sic deinceps. Primo loco emendationem animi pono; animi enim *impedimenta* & nodos tollendo & complanando, citius viam fortunæ aperueris, quam fortunæ auxiliis animi *impedimenta* sustuleris. Secundo loco *opes* pono, & pecuniam; Quam summo loco plurimi fortasse collocaverint, cum tanti sit ad omnia usus. Verum eam opinionem, similem ab causam ab iudico, atque Macciavellus fecit, in alia re, non multum ab ea discrepante. Cum enim vetus fuerit Sententia, *Pecuniam esse nervos belli*; ille contra, non alios esse nervos belli assertur, quam *nervos virorum fortium & militarium*. Eodem protus modo vere asserti poslit: *Nervos fortuna, non esse pecuniam, sed potius animi vires, ingenium, fortitudinem, audaciam, constantiam, moderationem industriam, & similia*. Tertio loco colloco famam & existimationem; eo magis, quod illa æstus quosdam habeant, & tempora, quibus si non opportune utaris, difficile erit in integrum restituere. Ardua enim res, famam pracipitatem retrovertere. Postremo loco pono honores, ad quos certe facilior aditus per unumquodque ex illis tribus, multo magis per omnia conjuncta, datur, quam si ab honoribus auspiceris, & deinde ad reliqua perrexeris. Verum, ut in ordine rerum servando haud parum est momenti, ita non multo minus in servando ordine tem-

temporis; Cujus perturbatione frequentissime peccatur, dum ad fines tum properatur, quando initia clement curanda; atque dum ad maxima quæque subito advolamus, quæ in medio posita sunt, temere transilentes. At illud recte præcipitur;

Quod nunc in stat agamus.

Secundum præceptum est, ut caveamus, ne animi quadam magnitudine, & perfiditia, ad magis ardua, quam per eis, feramur; neve in adversum fluvii remigemus. Optimum enim consilium circa fortunas hominum;

— *Fatū accede, Dei/que.*

Circumspiciamus in omnes partes, & obseruamus, quæ res pateant, qua clausæ & obstructæ sint, qua proclives, qua arduæ; neque viribus nostris, ubi non patet aditus commodus, abutamur. Hoc si fecerimus, & à repulsa nos imminentes præstabimus, & in negotiis singulis nimis diu non habebimus, & moderationis laudem reportabimus, & pauciores offendemus, & denique felicitatis opinionem acquiremus; dum quæ sponte, fortasse eventura fuissent, nostræ industriae accepta ferentur.

Tertium præceptum cum proxime præcedente nonnihil pugnare videri possit; licet, probè intellectum, minime. Illud hujusmodi est: Ut occasiones non semper expectemus, sed eas quandoque provocemus & ducamus. Quod etiam innuit Demosthenes, magniloquentia quadam. *Et quemadmodum receptum est, ut exercitum ducat Imperator, sic à cordatio viris res ipsa ducenda, & qui ipsi videntur, eagerantur; & non ipsi persquis eventus cogantur.* Etenim, si diligenter attendamus, duas obiectabimur, easque discrepantes species, eorum, qui rebus gerendis, & Negotiis tractandis, pares habentur. Alii siquidem occasionibus commode sciunt uti, sed nihil ex se moluntur, aut excoitantur; Alii toti sunt in machinando, qui occasions, quæ opportune incident, non atripiunt. Harum facultatum altera, alteri non coniuncta, manca omnino & imperfecta censenda est.

Quattuum est præceptum; ut nihil suscipiamus, in quo necesse sit; temporis plurimum infunere; verum ut vesiculos ille aurem semper velicer,

Sed fugit interea fugit irreparabile tempus.

Neque alia subest causa, cur ii, qui professionibus laboriosis, aut rebus similibus, se addixerunt, veluti Juris consulti, Oratores, Theologi doctores, Librorum Scriptores, & hujusmodi, in fortuna sua confiuentia, & promovenda, minus sint solletas, quam quod tempore (alias scilicet in sumpto) indigent ad particularia pernoscenda, opportunities captandas, & machinas, quæ ad fortunam suam spectent, commiscendas, & meditandas. Quinetiam in aulis Principum & Rebus publicis, teperias, & ad fortunam suam promovendam, & ad aliorum invadendam, maxime efficaces, qui nullo publico munere funguntur, sed in hoc, de quo loquimur, ambitu vita, perpetuo occupantur.

Quintum est præceptum; Ut naturam quodammodo imitemur, quæ nihil facit frustra. Id quod factu non erit admodum difficile, si negotia nostra omnia generum perite commisceamus & contexamus. In singulis enim actionibus ita animus est instituendus & preparandus, atque intentiones nostræ alia, alii subternenda, & subordi-

nande: ut, si in aliquare voti compotes in *summo gradu* fieri non possimus, in *secundo* tamen licet consistere, imo vel in *tertio*: *Quod si nec in aliqua omnino parte rei hætere aut consistere possimus, tum vero ad alium quempiam (præter destinatum) finem, operam impensam flectamus;* Sin nec in *præsenti* aliquem Fructum demetere queamus, saltem aliquid, ex ea extrahamus, quod in *futurum* prospicit, si vero nihil solidi, nec in *præsenti* nec in *Futuro*, inde elicere detur, satagamus saltem, ut aliquid *existimationi* nostræ inde accrefcat; & alia id genus: rationes semper à nobis ipsis exigendo, quibus constet, nos fructus aliquid, plus minus, ex singulis actionibus & consiliis nostris percepisse; neque ullo modo permittendo, ut tanquam confusi ac consternati nimis illico despondeamus, si forte scopum principalem non licuerit attingere. Nil enim minus convenit viro *Politico*, quam unice esse intentum. Qui enim hoc facit, occasionum innumerarum jaætura mulæbitur; quæ rebus agendis ex obliquo intervenire solent, quæque fortasse magis fuerint propitiæ & commodæ ad alea quæ postea usui futura sint, quam ad ea, quæ in manibus habeamus. Ideoque bene calleamus illam Regulam: *Hac oportet facere, & illa non omittere.*

Sextum est præceptum, ut nos rei alicui nimis peremptorie non astringamus; quamquam casui videatur, primo intuitu, minus obnoxia; sed semper habeamus, vel fenestram apertam ad evolandum; vel posticum aliquid secretum ad redeundum.

Septimum præceptum, est antiquum illud Blantius; modo non ad perfidiam, sed ad cautionem, & moderationem adhibetur; *Et amet tanquam amicus futurus, & odrius tangam amatus.* Nam utilitates quasque, mirum in modum, prodit & corruptit, si quis nimium se immergerit amicitiis infelicibus, molestis & turbidis odiis, aut puerilibus & futilebus amulationibus.

Hæc exempli loco circa doctrinam de *ambitione vita* sufficient: Illud enim hominibus in memoria subinde reducendum est, longe abesse, ut adumbrationes istæ, quibus utimur in desideratis, loco justorum tractatum ponantur; sed esse solummodo tanquam scheras aut fimbrias, ex quibus de rela integra judicium fieri possit. Neque rursus ita despissimus, ut fortunam absque tanto, quantum dissumus, molimine minime parati assisteramus. Probe enim novimus, eam tanquam sponte in gremium aliquorum defluere: Alii autem eam diligentia sola & assiduitate, (cautione nonnulla aspera) absque arte multa aut operosa, adipiscuntur. Verum sicut Cicero Oratorem perfectum depingens, non id vult, ut caudicili singuli tales esse debeant, aut possint; ac rursus, sicut in Principe aut Aulico describendo (quod nonnulli tractandum suscepit) modulus effingitur, proflus secundum artis perfectionem, non autem secundum Practicam vulgaratam: idem & nos *Politico* instruendo præstimus; *Politico*, (inquam) quoad *Fortunam propriam*.

Enimvero, illud unique monendum, *præcepta*, que circa hanc rem delegimus & proposuimus, omnia ex genere eorum esse, quæ *bonæ artes* vocantur. Quod enim ad *malas artes* attinet. Si quis Macchiavello se dederit in disciplinam; qui præci-

pir. *Virtutem ipsam non magnopere curandam, sed tantum speciem eam, in publicum versam: quia virtutis fama & opinio homini adjumento sit, virtus ipsa impedimento: quique alio loco praecepit; ut homo Politicus illud tanquam fundamenum prudentia sua substernat, quod presupponat, homines non recte nec tuio ad ea, qua volumus, stetli aut adduci posse, praterquam solo metu: ideoque det operam, ut omnes quantum in se est, obnoxii sint, atque in periculis & angustiis constituti: ita esse Politicus suus videatur esse, quod Itali dicunt, *seminator spinarum*: Aut si quis axioma illud, quod à Cicerone citatur, amplecti velit: *Cadant amici, dummodo inimici intercidant*; Sicut Trium viri fecerunt, qui inimicorum interictum amicissimum exiit redimebant: Aut si quis L. Catilina imitator esse velit, ut Rerum publ. incendiarius fiat & perturbator, quo melius in aquis turbidis pescari & fortunam suam expedire possit Ego, [inquit] si in fortunis meis incendium sit extitatum, id non aqua, sed ruina extinguam: Aut si quis illud Lysandri ad se transferat, qui dicere solebat: *Pueros placentis, viros perjuris alliciendos*: Cum aliis ejusdem farinæ pravis, ac perniciois dogmatibus; Quorum [ut sit in ceteris rebus omnibus] majore est numerus, quam rectorum & sanorum Si quis (inquam) hujusmodi inquinatur prudentia deleteretur; non iécim inficias, eum [quandoquidem legibus charitatis & virtutis omnibus se ipsum solutum, fortunæ solummodo mancipatis] posse, majore compendio, & celerius, fortunam suam promovete. Fit vero in via, quemadmodum & in via, ut iter brevius sit faedius & censiosus: neque sane, ut per viam meliorem quis incedat, multa circuitione opus est.*

Tantum vero abeat, ut homines ad hujusmodi artes pravas se applicare oporteat; ut potius sane (si modo sint apud se, sequelustinere valeant, neque ambitionis turbine & procella in adversum rapiantur) ante oculos proponere debeant; non solum mundi chorographiam generalem illam, quod *omnia sunt vanitas, & vexatio Spiritus; verum etiam & illam magis specialem*, videlicet, quod ipsum esse, se junctum à bene esse, maledictionis loco sit, & quo grandius sit esse, eo maior sit maledictio; quodque amplissimum virtutis præmium sit ipsa virtus; Quemadmodum & ultimum vitii supplicium est vitium ipsum; sicut egregie Poëta;

*Qua vobis, qua digna, viri, pro laudibus istis
Præmia posse reas solvi? Puicherrima primum
Di moreisque dabunt vestri;* —

& econtra non minus vere ille de sceleratis, atque eum ulciscantur mores sui. Quin etiam Mortales, dum in omnes partes cogitationes suas agitant, & diffundunt, ut fortunis suis recte prospectum atque consultum sit, interim in mediis illis animi transversibus ad divina judicia & providentiam aeternam oculos attollere debent: que sapissime impiorum machinationes, & consilia prava, licet profunda, subvertit, & ad nihilum redigit; secundum illud scripturæ, *Concepit iniquitatem, & pariet vanitatem*. Imo, etsi in iuriis & malis artibus abstineant: attamen haec jugis & irrequia a helatio ad dura fortunæ, absque cessatione, & quasi sine sabbato, tributum temporis nostri Deo debitum minime solvit: Qui, ut videre est, facultatum nostratum decimas, temporis autem septimas,

exigit & sibi seponit. Quorsum enim fuerit, os gerere in coeli sublimia erectum, mentem vero humi prostratam, & pulverem instar serpentis comedentem? Quod etiam Ethnicos non fugit;

Atque affigit humo Divina Particulam Alra.

Quod si in hoc sibi quisquam abblandiatur, quod fortuna sua, utcumque eam malis artibus obtinuerit, recte uti decreverit: sicut de Augusto Cesare, & Septimio Severo, solitum erat dici, *Debuisse illos, aut nunquam nasci, aut nunquam mori*; tanta in ambitu fortunæ sua patrarent mala; tanta rursus, summa adepti, contulerunt bona: intelligat nihilominus, hanc malorum per bona compensationem post factum probari, consilium autem hujusmodi merito damni. Abs re postremo nobis non fuerit, in cursu isto incitat, & fervido, versus fortunam nostram, frigidam paulisper aspergere, hastam è dictorio illo non inelegante Caroli Quinti Imperatoris, in Institutionibus suis ad Filium: *Imitari fortunam mores mulierum, qua procos plus nimio ambientes plerumque superbe aversantur*. Verum hoc ultimum remedium pertinet ad eos, quibus gultus ex morbo animi corruptus est, Irritan: ut potius hominis lapidi illi; qui *Theologia & Philosophia* est tanquam *Angularis*; quæ idem fere afferunt de eo quod *primum queri* debeat. Etenim *Theologia* edicit: *Primum querite regnum Dei, & ista omnia adiacentur vobis*. Philosophia autem simile quiddam jubet: *Primum querite bona animi; cetera aut aderunt, aut non Oberunt*. Quamvis autem hoc fundamentum, humanitus auctum, interdum locetur super arenas; quemadmodum videtur in M. Bruto, qui in eam vocem, sub exitum suum proruptit:

*Te colui, virtus utrem: ab tu nomen inane es:
At idem fundamentum, divinitus locatum, firmatur semper in petra, Hicautem doctrinam de ambitu vita, & simul doctrinam generalem de negotiis, concludimus.*

C A P. III.

*Partitiones Doctrinæ de Imperio sive Repub. omittuntur,
Tantum aditus fit ad Desiderata duo, Doctrinam de
Proferendis Finibus Imperii, & Doctrinam de Justitia
Universali, sive de Fontibus Juris.*

*V*enio jam ad artem imperij, sive doctrinam de Repub. administranda: Sub qua etiam *Oeconomica* continetur, ut familia sub civitate. In hac parte, sicut jam antea dixi, silentium mihi imperavi. Neque tamen profrus dissidere debui, quin possim de illa fortasse non imperite aut inutiliter disserere: utpote qui longa experientia edoctus, & per tot munera & honora gradus ad amplissimum Regni Magistratum, favore Majestatis tua indulgentissimo, nullo merito meo, elevatus fui, eundemque Magistratum per annos quatuor integras gesserim: & quod pluris est, Majestatis tua Mandatis & Colloquis per annos octodecim continuos assueverim; (quod etiam est stipite aliquo Politicum excusare potuisset:) quiique etiam, inter omnes artes, plurimum temporis in Historiis & Legibus contriverim. Quæ omnia non jactantia ad Posteros refero, sed quia ad literarum dignitatem non nihil pertinere putem, quod homo quispiam, ad literas potius quam ad aliud quicquam natus, & ad res gerendas nescio quo fato contra Genium suum abreptus, ad civilia tamen munera tam honorifica & ardua sub Rego prudenter

tissimo